

Nunat Avannarliit Killit Siunnersuisoqatigiiffiata Savalimmiuni, Kalaallit Nunaanni Islandimilu naalakkersuisunut kaammattuutigaa Issittumi nunat tamalaat akornanni unammilleqatigiinnerup annertuneruleriartornerani nakittunerusumik inissisimaqqulluta Nunani avannarlerni killerni assartuinnermut pilersuinnermullu tunngasuni ungasinnerusoq isigalugu ataatsimut anguniagaqarsinnaanermut periarfissat nalilersorlugit misissueqqissaarnermik suliaqqaqqullugit.

(Aallartitat siulittaasuat Lars-Emil Johansen).

Nunat Avannarliit Killit Siunnersuisoqatigiiffiata Savalimmiuni, Kalaallit Nunaanni Islandimilu naalakkersuisunut kaammattuutigaa Issittumi nunat tamalaat akornanni unammilleqatigiinnerup annertuneruleriartornerani nakittunerusumik inissisimaqqulluta Nunani avannarlerni killerni assartuinnermut pilersuinnermullu tunngasuni ungasinnerusoq isigalugu ataatsimut anguniagaqarsinnaanermut periarfissat nalilersorlugit misissueqqissaarnermik suliaqqaqqullugit. Siunnersuut Partii Naleqqamiit imannak oqaaseqarfigissuarput:

Issittumi pissutsit allangoriartornerat nunarsuarmioqatitsinniik assorujussuaq soqutigineqartut tamatta takusinnaavarput. Soorunami maani nunatsinni pissutsit allangoriartornerat aamma malinnaaffingaarpud. Qanorlu allanguutinut piareersarnissarpud aamma sutigut sillimanissarpud eqqumaffiginissaat Partii Naleqqamiit assut soqutingaarpud.

Tassami silaannaap kissakkiartornera assigiinngitsutigut sunniuteqarpoq, siunissarlu ungasinnerusoq eqqarsaatigalugu qularnanngilaq allanguutit, ulluinnarni atukkatsinnut tunngassuteqartut allangortitsisinnaaneri piareersarluarneqarnissaat Partii Naleqqamiit pingaartipparpud .

Taamaattumik nunatta nunat killiit suleqatigalugit niuernikkut siuttuunissaa anguniarlugu tamaviaartariaqartugut Partii Naleqqamiit isumaqarpugut, tassami silap pissusaata allangoriartornerani misissuinnerpassuit il.il. ingerlanneqartut eqqarsaatigalugit, nunarput avaqqunneqarsinnaangitsumik qitiusutut pingaaruteqartorujussuarmik inissisimavoq.

Soorlu siunnersuummi oqaatigineqartoq assartuineq nunat tamalaat akornanni niuernermit qitiulluinnartoq aamma aningaasaqarnermut sunniuteqarluarsinnaasoq. Taamaammat Partii Naleqqamiit assut pingaartipparput, aallaqqaataaniilli nunatta qitiulluinnartutut inissisimanini atorluarlugu siuttuunissaa tamaviaarulluinnartariaqaripput.

Tassami taama inissisimalluarnerput atorlugu aamma takornariaqarnikkut, nukissiuuteqarnikkullu suli annerusumik siuarsaanissamut periarfissaq atorluartariaqaripput.

Soorunami aalisakkanik niueruteqarnitta aamma pitsanngorsarneqarnissaa maannangaaq pilersaaruserluarlugu aallartinneqartariaqartoq Partii Naleqqamiit kaammattuutigissuarput.

Erngup nukinganik imermillu niueruteqarnissaq Partii Naleqqamiit assorujussuaq inuussutissarsiornermi siuariaataasinnaasoq takusinnaavarput, taamaammat-una aamma inatsisartut ukiaq manna ataatsimiinnitsinni erngup niuerutigineqarnissaanut tunngasut siunnersuutitsinnut ilaatikkiptut.

Nunatta nunarsuarmioqatitsinnut sanilliullugu inissisimalluarnera atorluartariaqarparput, taamaammallu tupinnangitsumik aamma nunatsinni pisuussuterpassuatta suli annerusumik iluaqutiginiarneqarnissaat, nassaarniatut inissilluta periarfissanik ujaasiuarnissarput pingaaruteqartorujussuaq isumaqarpungut.

Minnerunngitsumik aamma nunatta kitaata sineriaa imaluunniit tunup sineriaatigut nunarput avannaqqullugu imaatigut nioqqutissanik il.il. assartuisinnaaneq eqqarsaatigalugu.

Ullumikkut nioqqutissatigut pilersorneqarnerput akitsoraluttuinnartoq, minnerunngitsumillu aamma nunatta tunuanik nioqqutissatigut pilersuineq eqqarsaatigalugu allannguisoqartariaqarnera Partii Naleqqamiit suliniutissatut pingaartutut siuttuuffiginissaa piareersimaffingaarpud.

Tassami pissusissamiisuunngilluinnarpoq, assersuutigalugu tunumi inuiaqativut ukiumut marloriaannarlutik imaatigut nioqqutissanik pilersorneqarput, uffa-manna Island-imiit pilersuineq qaninnerpaaq, qularnangitsumillu akikinneroq atorlugu Tunu pilersorneqarsinnaangaluartoq.

Taamaammat pissutsit ullumikkutut ingerlaannarnissaannut allannguinissamut Partii Naleqqamiit suleqataanissatsinnut piareersimavugut.

Taamatut Partii Naleqqamiit Nunani Avannarlerni Killerniit siunnersuut
oqaaseqarfingaarput.